

北京圖書館 編

北京圖書館藏珍本
年譜叢刊



第 121 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 121 冊



第一二一冊目錄

許順庵老人自述年譜	一
懋亭自定年譜	七五
望坡府君年譜	五六九

許順庵老人自述年譜

才戊寅比

比甲寅比

甲午傷
官辛未財

順庵名嘉猷，行八字儒珍，號慕魯，晚號順庵。又號擷芳亭。長余承先世清白，年逾七旬，深恐湮先朝露，後人不能追憶前事，特舉自幼至壯、京外遊蹤及歸老田園譜其年月諸事件，繫不憚繁瑣，以免他日遺忘。道光九年季冬，拙政老人自述。

乾隆二十三年戊寅正月初八日未時生於吏部橋南之老屋。先世自汴遷浙，提督公始遷海鹽袁花之靈泉鄉，再傳爲十六承事公，三傳爲春

谷公諱曾四傳爲盛甫公諱茂昌官元萬戶五
 傳爲海州同知國器公諱懋明初丙午舉賢良
 崇祀海州淮安郡學宮名宦祠及本邑鄉賢祠
 政蹟詳載諸志自春谷公至同知公俱葬於袁
 花市之洞孔山六傳爲文英公諱樛居道人
 塘北之石井卽更樓下七傳爲孟質公諱斌身
 歷九朝壽百有一歲八傳爲守拙公諱縉九傳
 爲宗海公諱源餘姚謝汀撰墓志銘十傳爲天
 德公諱乾給諫雲邨公撰墓志十一傳爲來叔
 公諱聞善明邑庠生待御星石公撰傳以上俱
 附葬孔

山祖 十二傳爲省初公諱敦胄明邑庠生減鹽

徭邑人德之崇祀西倉報功祠葬更樓祖墓西
原武進張惠言太史撰傳十三傳爲爾聰公諱
令宸時際鼎革遷居北更樓衍慶堂十四傳爲
坦公公諱丕昌俱祔葬省初公穴右十五傳爲
余曾祖自彬公諱全文十六傳爲余大父雍軒
公諱恬信以余官江南恭遇

仁宗睿皇帝五旬萬壽

覃恩貤贈文林郎知江蘇徐州府沛縣事祖妣姚氏

貤贈孺人二世俱葬於衍慶堂鮑家堰之東北原野同兆

王山丙向先大夫履亭公諱穆宗字剛中國學生以余官

誥贈申憲大夫加六級前母沈氏無出母朱氏生伯兄諱
閻仲兄諱良謨及余暨妹並

誥贈恭人嘉慶二十一年冬合葬於甘拙園西北原新阡
張惠言太史撰志銘先大父兄第四人祖屋湫
隘遷居吏部橋南余十歲後又遷於龍山龐橋
經德堂新居

二十四年巳卯二歲

二十五年庚辰三歲

二十六年辛巳四歲秋幼妹生

二十七年壬午五歲

二十八年癸未六歲

先大夫延姊夫鄔建修先生俛教讀兄良謨亦
從學

二十九年甲申七歲

三十年乙酉八歲

三十一年丙戌九歲

三十二年丁亥十歲

先大夫因祖居傾圯僻處鄉隅實少見聞爰於

乙酉年度地龐橋營築新居費錢二百餘萬至是落成先大夫移居焉

三十三年戊子十一歲

二月伯父健庵公諱穆亨卒年六十三歲無嗣以慎爲嗣孫

三十四年己丑十二歲

時五經俱讀畢外父沈臯齋諱廷相以予幼穎慧屬媒氏締姻

三十五年庚寅十三歲

春偕夢榘兄諱良謨應邑試縣令董公招覆余

忽患痘歸里秋七月十九日舅祖姚公體元卒
於經德堂新居年八十九歲先大夫設位致祭
冬合葬於更樓祖墓西南原後余樹石碣於墓
前并贖回塋地二畝以供春秋祭祀

三十六年辛卯十四歲

三十七年壬辰十五歲

先大夫續置沈氏宅爲書塾嘉興錢漁莊先生
豫章題額曰汲修夢椽兄有記鄔先生因病瘡
辭館去余偕兄應邑郡院試

三十八年癸巳十六歲

延武原澈浦陳生亭師諱坤元明經課藝

三十九年甲午十七歲

時濮橋明經朱耕膏師諱遴館余汲修齋同學
最盛

四十年乙未十八歲

春偕兄應學院試夢椽兄甫冠入泮學使爲李
友棠少司空仍從學耕膏師

四十一年丙申十九歲

余從學陳生亭師應州郡試俱列前茅

四十二年丁酉二十歲

六月院試

海寧題十日寒之二句

韓城王文端

公杰遴補博士弟子員回家後病瘡半年夢椽
兄應鄉試

四十三年戊戌二十一歲

正月初六黃昏隔河火焚數十家幸返風得免
月杪娶沈恭人

四十四年己亥二十二歲

嘉興錢雲巖諱福胙贅於德清戚苧園朝桂大
令宅戚寓居袁花南街錢與祝雲龍暨夢椽兄
訂交於龍頭閣是歲錢漁莊師閱課藝師係丁

西舉人丁未進士官戶部正郎雲巖庚戌詞林
升侍讀學士同夢椽兄應省試十一月初三日

長子 元錫生

四十五年庚子二十三歲

余兄弟三人俱應省試夢椽兄卷在餘姚李公
汝麟房力薦不售

四十六年辛丑二十四歲

余妹適嘉興增生王稼洲尙繩稼洲工書法爲
辛未進士將樂縣知縣王惺齋先生元啓次子
余兄弟從張荔園進士駿閱課藝

四十七年壬寅二十五歲

三月二十六日次子 元欽生

四十八年癸卯二十六歲

偕夢椽兄應省試十一月十一日先大夫赴嘉
善西塘鎮舟中痰壅氣閉不肖輩不獲送終次
早抵家余兄弟跪迎於經德堂正寢辟踊舉哀
成服 先大夫生於康熙六十年辛丑二月初七
日申時終於乾隆四十八年癸卯十一月
十一日
戌時

四十九年甲辰二十七歲

余課徒里門

五十年乙巳二十八歲

仍課徒里門夏奇旱秋無收石米值錢四千

五十一年丙午二十九歲

二月服闋秋同兄應省試余卷在太平縣蕭應
運師房呈薦正主試吳太史省蘭批中副車因
習春秋額溢被落

五十二年丁未三十歲

偕兄應院試夢椽兄考列一等七名補邑廩膳
生余取列二等學使爲朱文正公珪秋患病三
月始獲痊愈

五十三年戊申三十一歲

偕兄應省試

五十四年己酉三十二歲

秋

高宗純皇帝萬壽恩科中式浙江鄉試第六十二名座師

諸城竇東臯侍郎諱光脩歙縣程蘭翹太史諱

昌期房師山西太谷解公會心撥入第七房常

山縣令無錫丁菊圃師如琦

首藝君子矜而不爭二句次藝優優

大哉一節三藝則有慶慶以冬赴學政署填親

地詩視履考祥得祥字八韻

供

五十五年庚戌三十三歲

改溪印首步柳
素袂年廿二人
長安同宗

正月初七日偕洛溪掌文兄奎心源再姪澄之
兩孝廉入都二月十七日抵京寓橫街全浙老
館出闈後洪洞會館會同年選拔俱在列其一
百三十人謁程蘭翹座師後同往謁東華門內
達太老師諱椿連日飲讌汪雲壑修撰如洋邀
飲同席者爲錢四桂梁二履繩朱五淞楊二澣
陸大開榮姚二祖同及兄奎再姪澄之四月初
八日亥刻知錢雲巖中進士次早見全錄五月
初三日考咸安官教習與試被落錢漆林太